

Saensaen Nekles

Carolina i wantem nomo blong holemtaet nekles ia longtaem smol moa.



I kam long Carolina Marín
(I folem wan tru stori)

Stori ia i bin tekem ples long Ajentina.

Carolina i ronron krosem yad. Fren blong hem

Isabella i stap aotsaed,
Isabella i tata. "I kam mo pleplei!"

Carolina i krosem yad i go long haos blong
Isabella.

Isabella i pusum han blong hem i go insaed long
poket blong hem. "Mi wantem soem wan samting long
yu," hem i talem. Afta hem i pulumaot wan nekles we
i naes tumas we Carolina i neva luk bifo! Ol smosmol
ston blong hem oli saensaen we mo oli saen strong.

"Hem i blong mama blong mi," Isabella i talem.
"Hem i talem se mi save pleplei wetem tedei. Traem
lukluk nekles ia long san."

Isabella i leftemap nekles ia i go long laet blong
san. Handred blong ol renbo i saenaot long ol ston
blong nekles ia. I naes tumas!

"!Naoia ia yumi pleplei haed!" Isabella i talem.

"!OK!" Carolina i talem. "Mi save kipim nekles ia i
stap sef."

"!Tangkyu!" Isabella i givim nekles long Carolina,

mo Carolina i putum long poket blong hem.

Kolosap hem i taem blong Carolina i gobak long
haos. Taem hem i talem tata, Isabella i no askem
abaot nekles. Ating hem i fogetem ia. Mo Carolina i
no rimaenem Isabella.

Carolina i filim nogud smol blong karem nekles ia i
go long haos. Be hem i wantem nomo blong holem-
taet longtaem smol moa. Hem i no lisin long nogud
filing ia mo i putum nekles andanit long pilo blong
hem.

Nekis dei hem i Satedei. Carolina i mekem ol wok
blong haos blong hem mo i go aotsaed blong pleplei.
Hem i fogetem gud abaot nekles ia.

"!Carolina!" Papa i singaot. "?Yu save kam long ples ia?"
Carolina i ron i go insaed. "?Yes?"

Papa i holem nekles long han blong hem. "Mama
i faenem hemia andanit long pilo blong yu. ?Hem i
blong huia?"

"Hem i blong Isabella." Wota blong ae blong
Carolina i kam antap. "Mi stap kipim i sef insaed long
poket blong mi taem mitufala i stap pleplei yestedei.
Be afta mi disaed blong karem i kam long haos."

Mama i sidaon wetem Carolina long jea. "Tangkyu
blong stap talem trutok. ?Yu ting se yu mas mekem
wanem nao?"

Carolina i stap kwaet. Hem i tingbaot Jisas. Bae Jisas i
wantem Carolina blong stap ones mo givimbak nekles.

"Mi mas givimbak long Isabella mo talem
long hem se mi sori," Carolina i talem. Smol
taem nomo afta we hemi talem toktok ia,
nogud filing i lus. Hem i filim wom insaed.

Carolina i go long haos blong Isabella.

"Halo," Carolina i talem. Hem i givimbak
nekles long Isabella. "Mi sori from mi holem-
taet nekles ia. ?Yu save fogivim mi?"

"Yes," Isabella i talem. "Tangkyu blong karem
i kambak." Afta hem i smael. "?Yu wantem plei
haed bakegen?"

"!Yes! Yu kaon fastaem—!Bae mi go haed!"

Long naet ia, Carolina i talem wan prea.
"Dia Papa long Heven, plis fogivim mi from
mi holemtaet nekles ia. Mo tangkyu blong
helpem mi blong stretem fasin ia."

Carolina i filim wom filing ia bakegen.
Hem i glad se hem i save mekem wanem
we bae Jisas i wantem hem blong
mekem. ●

MI SAVE SAKEM SIN

Yumi evriwan i mekem ol rong joes sam-
taem. Be from Jisas Kraes mo Atonmen
blong Hem, yumi save jenis mo stretem ol
samting. Oli singaotem hemia fasin blong
stap sakem sin. Taem yumi sakem sin, yumi
talem sori long olgeta we yumi mekem
nogud long olgeta. Yumi traem blong fiks-
m mistek ia. Yumi prea from fogivnes. Yumi
mekem bes blong yumi blong no mekem
rong joes ia bakegen. Afta bae yumi kasem
fogivnes mo filim pis we i kam long Papa
long Heven.

